



VLADA FEDERACIJE
BOSNE I HERCEGOVINE

1832

Na temelju članka 19. stavak (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 256. žurnoj sjednici, održanoj 14.11.2025. godine, donosi

ODLUKU

O STAVLJANJU VAN SNAGE ODLUKE O IZMJENAMA I DOPUNAMA ODLUKE O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA POLJOPRIVREDU" UTVRĐENIH PRORAČUNOM FEDERACIJE BOSNE I HERCEGOVINE ZA 2025. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I.

Odluka o izmjenama i dopunama Odluke o usvajanju Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za poljoprivredu" utvrđenih Proračunom Federacije Bosne i Hercegovine za 2025. godinu Federalnom ministarstvu poljoprivrede, vodoprivrede i šumarstva ("Službene novine Federacije BiH", broj 87/25) stavlja se van snage.

II.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 1650/2025

14. studenoga 2025. godine
Sarajevo

Premijer
Nermin Nikšić, v. r.

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 256. hitnoj sjednici, održanoj 14.11.2025. godine, donosi

ODLUKU

O STAVLJANJU VAN SNAGE ODLUKE O IZMJENAMA I DOPUNAMA ODLUKE O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA POLJOPRIVREDU" UTVRĐENIH BUĎETOM FEDERACIJE BOSNE I HERCEGOVINE ZA 2025. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I

Odluka o izmjenama i dopunama Odluke o usvajanju Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za poljoprivredu" utvrđenih Budžetom Federacije Bosne i Hercegovine za 2025. godinu Federalnom ministarstvu poljoprivrede, vodoprivrede i šumarstva ("Službene novine Federacije BiH", broj 87/25) stavlja se van snage.

II

Ova odluka stupa na snagu danom donošenja i objaviće se u "Službenim novinama Federacije BiH".

V. broj 1650/2025

14. novembra 2025. godine
Sarajevo

Premijer
Nermin Nikšić, s. p.

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 256. hitnoj sjednici, održanoj 14.11.2025. godine, donosi

ODLUKU

O STAVLJANJU VAN SNAGE ODLUKE O IZMJENAMA I DOPUNAMA ODLUKE O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA POLJOPRIVREDU" UTVRĐENIH BUDŽETOM FEDERACIJE BOSNE I HERCEGOVINE ZA 2025. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I.

Odluka o izmjenama i dopunama Odluke o usvajanju Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za poljoprivredu" utvrđenih Budžetom Federacije Bosne i Hercegovine za 2025. godinu Federalnom ministarstvu poljoprivrede, vodoprivrede i šumarstva ("Službene novine Federacije BiH", broj 87/25) stavlja se van snage.

II.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 1650/2025

14. novembra 2025. godine
Sarajevo

Premijer
Nermin Nikšić, s. r.

1833

Na temelju čl. 29. i 37. Zakona o izvršavanju Proračuna Federacije Bosne i Hercegovine za 2025. godinu ("Službene novine Federacije BiH", broj 7/25) i članka 4. stavak (4) Zakona o novčanim potporama u poljoprivredi i ruralnom razvoju ("Službene novine Federacije BiH", br. 42/10 i 99/19), a u vezi sa člankom 28. Zakona o poljoprivredi ("Službene novine Federacije BiH" br. 88/07, 4/10, 27/12, 7/13 i 82/21), Vlada Federacije Bosne i Hercegovine na 256. žurnoj sjednici, održanoj 14.11.2025. godine, donosi

ODLUKU

O IZMJENAMA I DOPUNAMA ODLUKE O USVAJANJU PROGRAMA UTROŠKA SREDSTAVA S KRITERIJIMA RASPODJELE SREDSTAVA "SUBVENCIJE PRIVATNIM PODUZEĆIMA I PODUZETNICIMA - POTICAJ ZA POLJOPRIVREDU" UTVRĐENIH PRORAČUNOM FEDERACIJE BOSNE I HERCEGOVINE ZA 2025. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I.

U Odluci o usvajanju Programa utroška sredstava sa kriterijima raspodjele sredstava "Subvencije privatnim poduzećima i poduzetnicima - Poticaj za poljoprivredu", utvrđenih Proračunom Federacije Bosne i Hercegovine za 2025. godinu Federalnom ministarstvu poljoprivrede, vodoprivrede i šumarstva ("Službene novine Federacije BiH" broj 26/25), u Programu

novčanih potpora u poljoprivredi i ruralnom razvoju za 2025. godinu (u daljnjem tekstu: Program potpora), u članku 4. stavak (2) točka d) u zagradi iza riječi: "pravna osoba" dodaju se riječi: "i obrt u sustavu PDV-a".

Točka f) mijenja se i glasi:

"f) za ostvarivanje prava u okviru modela ruralnog razvoja da je poljoprivredno gospodarstvo u prethodne dvije godine bilo korisnik novčane potpore po modelu potpore proizvodnji, na općinskoj, kantonalnoj ili federalnoj razini, odnosno u prethodnoj godini ostvario pravo na federalnu novčanu potporu po modelu ruralnog razvoja, sa izuzetkom poljoprivrednih gospodarstava upisanih u RPG nakon 31.03. prethodne godine i klijenata u okviru mjera iz članka 16. stavka (1) točka g) i mjera iz čl. 17., 18. i 20. ovog Programa."

II.

U članku 7. stavak (3) točka a) mijenja se i glasi:

a) "Krošnjasto voće (jabučasto, koštičavo, jezgrasto, citrusi i južno) - klijent ostvaruje pravo na novčanu potporu za maksimalno 300.000 sadnica krošnjastog voća u tijeku godine za tržište ili za vlastite potrebe;"

U točki c) riječi: "i maslina" se brišu.

III.

U članku 9. na kraju stavka (4) briše se točka i dodaju se riječi: "i dodatak za dizel".

Stavak (5) mijenja se i glasi:

"(5) Obračun novčane potpore iz Tabela 1. i 2. Programa potpora, a koji se odnosi na dodatke iz stavka (4) ovog članka propisat će se Pravilnikom o načinu i uvjetima ostvarivanja novčane potpore po modelu poticaja proizvodnji."

IV.

U članku 16. stavak (1) točka c) iza riječi: "pravnih osoba" dodaju se riječi: "odnosno obrta u sustavu PDV-a".

Iza točke e) dodaje se nova točka f) koja glasi:

"f) Potpora za ulaganje u legalizaciju građevinskih objekata i ispunjavanja okolišnih standarda na PG,"
Dosadašnje toč. f) i g), postaju toč. g) i h).

V.

U članku 18. stavak (1) riječi: "nakon 31.12. prethodne godine" zamjenjuju se riječima: "nakon 30. 9. prethodne godine".

VI.

U članku 28. stavak (1) točka d) u zagradi brišu se riječi: "komore i sl."

VII.

U članku 36. stavak (3) točka i) mijenja se i glasi:

"i) za projekte iz točke d) podtočka 2) u skladu sa iznosima navedenim u tabeli:

Broj PPG i obrta od kojih je izvršen otkup	Vrijednost otkupljenih poljoprivrednih i šumskih proizvoda i ljekovitog bilja	Iznos potpore
10-25	od 20.000 KM do 50.000 KM	do 10.000 KM
26-40	od 50.001 KM do 200.000 KM	do 15.000 KM
41-75	od 200.001 KM do 400.000 KM	do 20.000 KM
76-100	od 400.001 KM do 700.000 KM	do 25.000 KM
101-200	od 700.001 KM do 2.000.000 KM	do 30.000 KM
više od 200	više od 2.000.000 KM	do 35.000 KM

"